



Broj: 02/1- 5162 /16  
Datum: 20.10. 2016. godine

Na osnovu člana 64. stav (1) tačka b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14), člana 3. i 8. stav 1. i 2. tačka c) Pravilnika o uspostavljanju i radu komisije za nabavke („Službeni glasnik BiH“, broj: 103/14), Rješenja o imenovanju Komisija za nabavke za 2016. godinu, broj: 02/1-156/16 od 14.01.2016. godine, Općinski načelnik kao ugovorni organ na preporuku Komisije za javnu nabavku konstatirane u Zapisniku, broj: 08/1-14-1713-7/16 od 14.10.2016. godine, a po Rješenju URŽ-a, broj: JN2-03-07-1-791-7/16 od 25.08.2016. godine i Rješenju URŽ-a, broj: JN2-03-07-1-770-8/16 od 15.09.2016. godine, donosi

### ODLUKU

#### **o izboru najpovoljnijeg ponuđača u otvorenom postupku javne nabavke – Usluge cestovnog prijevoza učenika srednjih škola i studenata u školskoj 2016/17. godini i usluge vanrednog prijevoza na teritoriji Bosne i Hercegovine za potrebe Općine Kakanj, LOT 2, 3 i 5**

#### Član 1.

Prihvata se Preporuka Komisije za javne nabavke, broj: 08/1-14-1713-7/16 od 14.10.2016. godine i ugovor za javnu nabavku – Usluge cestovnog prijevoza učenika srednjih škola i studenata u školskoj 2016/17. godini i usluge vanrednog prijevoza na teritoriji Bosne i Hercegovine za potrebe Općine Kakanj, za LOT 2, 3 i 5 dodjeljuje se ponuđačima:

1. Za LOT2 - Prevoz učenika srednjih škola i studenata na relacijama: Kakanj-Kraljeva Sutjeska, Kakanj-Veliki Trnovci, Kakanj-Ričica, Kakanj-Bištrani, Kakanj-Slapnica, Kakanj-Lipnica, ponuđaču MEGA-TRAVEL d.o.o. Kakanj, za ponuđenu cijenu od 60,79 KM, kao najbolje ocijenjenom ponuđaču,
2. Za LOT3 - Prevoz učenika srednjih škola i studenata na relacijama: Kakanj-Tičići, Kakanj-Sopotnica, Kakanj-Desetnik ponuđaču AES-PROMET d.o.o. Kakanj, za ponuđenu cijenu od 5,10 KM, kao najbolje ocijenjenom ponuđaču,
3. Za LOT5 - Prevoz učenika srednjih škola i studenata na relacijama Kakanj – Tršće, Kakanj-Brnj, Kakanj-Kučići, ponuđaču MEGA-TRAVEL d.o.o. Kakanj, za ponuđenu cijenu od 6,39 KM, kao najbolje ocijenjenom ponuđaču,

#### Član 2.

Prijedlog ugovora o nabavci dostavit će se na potpis izabranim ponuđačima MEGA-TRAVEL d.o.o. Kakanj i AES-PROMET d.o.o. Kakanj po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

#### Član 3.

Ovom Odlukom poništava se Odluka o izboru najpovoljnijeg ponuđača za LOT 2, 3 i 5, broj: 02/1-3301/16 od 04.07.2016. godine i Odluka o izmjeni Odluke o izboru najpovoljnijeg ponuđača, broj: 02/1-3614/16 od 20.07.2016. godine za LOT 3, a po Rješenju URŽ-a, broj: JN2-03-07-1-791-7/16 od 25.08.2016. godine i Rješenju URŽ-a, broj: JN2-03-07-1-770-8/16 od 15.09.2016. godine.

#### Član 4.

Za izvršenje ove odluke zadužuje se i ovlašćuje Služba za društvene djelatnosti, boračka pitanja, raseljena lica, izbjeglice i povratnike Općine Kakanj i Komisija za javne nabavke II Općine Kakanj.

#### Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

### **O b r a z l o ž e n j e**

U predmetnom otvorenom postupku javne nabavke, objavljenom u „Službenom glasniku BiH“, broj: 41/16 od 03.06.2016. godine i na Portalu javnih nabavki broj: 792-1-2-23-3-6/16 od 25.05.2016. godine, ponudu su dostavili sljedeći ponuđači: CENTROTRANS-EUROLINES d.d. Sarajevo, MEGA-TRAVEL d.o.o. Kakanj, i AES-PROMET d.o.o. Kakanj.

Ugovorni organ je ponuđačima dostavio Odluku o izboru najpovoljnijeg ponuđača, broj: 02/1-3301/16 od 04.07.2016. godine, na koju je ponuđač CENTROTRANS-EUROLINES d.d. Sarajevo blagovremeno uložio žalbu dana 18.07.2016. godine na LOT 2, 3 i 5. Na istu Odluku ponuđač MEGA-TRAVEL d.o.o. Kakanj, blagovremeno je uložio žalbu dana 15.07.2016. godine, na LOT 3.

Razmatrajući žalbu ponuđača CENTROTRANS-EUROLINES d.d. Sarajevo, izjavljenu na Odluku o izboru najpovoljnijeg ponuđača, broj: 02/1-3301/16 od 04.07.2016. godine za LOT 2, 3 i 5, Ugovorni organ je utvrdio da je ista u cijelosti neosnovana i u ostavljenom roku, a u skladu sa odredbama člana 100. stav 5. Zakona o javnim nabavkama BiH („Sl. glasnik BiH“, broj: 39/14), Uredu za razmatranje žalbi, Filijala Mostar, dostavio Izjašnjenje na navode žalbe žalioaca, broj: 02/1-3613/16 od 20.07.2016. godine.

Razmatrajući žalbu ponuđača MEGA-TRAVEL d.o.o. Kakanj, izjavljenu na Odluku o izboru najpovoljnijeg ponuđača, broj: 02/1-3301/16 od 04.07.2016. godine, za LOT 3, istu usvaja kao djelimično osnovanu, i u skladu sa odredbama člana 100. stav 3. Zakona o javnim nabavkama BiH („Sl. glasnik BiH“, broj: 39/14), donosi Odluku o izmjeni Odluke o izboru najpovoljnijeg ponuđača, broj: 02/1-3614/16 od 20.07.2016. godine, kojom se ponuda ponuđača AES-PROMET d.o.o. Kakanj odbija za LOT 3 i ugovor dodjeljuje ponuđaču MEGA-TRAVEL d.o.o. Kakanj, kao drugorangiranom ponuđaču.

Ugovorni organ je ponuđačima dostavio Odluku o izmjeni Odluke o izboru najpovoljnijeg ponuđača, broj: 02/1-3614/16 od 20.07.2016. godine, na koju je ponuđač AES-PROMET d.o.o. Kakanj blagovremeno uložio žalbu, broj: 007-07-16-Ž od 21.07.2016. godine. Žalba žalitelja je prosljeđena Uredu za razmatranje žalbi BiH, Filijala Mostar, aktom broj: 02/1-3670/16 od 26.07.2016. godine, na daljnje postupanje.

Rješenjem broj: JN2-03-07-1-770-8/16 od 15.09.2016. godine, Ured za razmatranje žalbi, usvaja žalbu ponuđača CENTROTRANS-EUROLINES d.d. Sarajevo i poništava Odluku o izboru najpovoljnijeg ponuđača za LOT 2, 3 i 5, broj: 02/1-3301/16 od 04.07.2016. godine, smatrajući da Ugovorni organ nije mogao prihvatiti pojašnjenje cijene ponuđača MEGA-TRAVEL d.o.o. Kakanj u kojem navodi da su cijene odraz stvarnih troškova i minimalne dobiti na navedenim relacijama. Također su navedeni kapaciteti sa kojima raspolaže izabrani ponuđač, uz obrazloženje da uposlenici koji će biti angažovani na relaciji ugovora imaju prebivalište u mjestima u kojima se obavlja prijevoz te da su angažirani i na druge poslove, da raspolažu voznim jedinicama sa različitim brojem sjedišta te da neće tražiti izmjenu, odnosno povećanje cijene. URŽ smatra da izabrani ponuđač nije dostavio osnovano obrazloženje, u skladu sa članom 66. Zakona o javnim nabavkama, te predmet vraća Ugovornom organu na ponovno odlučivanje.



Rješenjem broj: JN2-03-07-1-791-7/16 od 25.08.2016. godine, Ured za razmatranje žalbi, usvaja žalbu ponuđača AES-PROMET d.o.o. Kakanj i poništava Odluku o izmjeni Odluke o izboru najpovoljnijeg ponuđača za LOT 3, broj: 02/1-3614/16 od 20.07.2016. godine, jer smatra da nedostatak potpisa na obrascu za cijenu ponude u ponudi Ponuđača ne utiče bitno na ispravnost odnosno prihvatljivost ponude, kako ponuda na više različitih dokumenata sadrži potpise ovlaštenog lica žalioca iz kojih se nedvosmisleno može utvrditi identitet podnosioca ponude, te s tim u vezi žalba žalioca se smatra osnovanom. Odnosno smatra da se radi o manjem nedostatku koji ne mijenja niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji predmetnog postupka, te predmet vraća Ugovornom organu na ponovnu ocjenu ponuda.

Postupajući i uvažavajući Rješenja URŽ-a, Komisija je uzela k znanju da je poništena Odluka o izboru najpovoljnijeg ponuđača za LOT 2, 3 i 5, broj: 02/1-3301/16 od 04.07.2016. godine i Odluka o izmjeni Odluke o izboru najpovoljnijeg ponuđača za LOT 3, broj: 02/1-3614/16 od 20.07.2016. godine, te shodno tome i uvažavajući Rješenja URŽ-a, odlučila je da ponovi postupak analize i vrednovanja pristiglih ponuda, zatraži pojašnjenje neprimodno niske cijene od ponuđača AES-PROMET d.o.o. Kakanj za LOT 3 i Mega-travel d.o.o. Kakanj za LOT 2, 3 i 5, te shodno zaključcima donese odgovarajuće odluke uvažavajući sugestije URŽ-a.

Komisija za javne nabavke ugovornog organa je, postupajući po Rješenju URŽ-a, broj: JN2-03-071-791-7/16 od 25.08.2016. godine i Rješenju URŽ-a, broj: JN2-03-07-1-770-8/16 od 15.09.2016. godine, u Zapisniku o radu Komisije po Rješenju Ureda za razmatranje žalbi BiH, broj: 08/1-14-1713-7/16 od 14.10.2016. godine, u ponovnom postupku, počevši sa radnjom ponovnog pregleda i ocjene ponuda, na osnovu kriterija najniža cijena, utvrdila rang listu prihvatljivih ponuda ponuđača za LOT 2, 3 i 5:

Za LOT 2 – Prevoz učenika srednjih škola i studenata na relacijama: Kakanj-Kraljeva Sutjeska, Kakanj-Veliki Trnovci, Kakanj-Ričica, Kakanj-Bištrani, Kakanj-Slapnica, Kakanj-Lipnica

r/b	Ponuđač	Cijena ponude bez PDV-a (javno otvaranje ponuda)
1	MEGA-TRAVEL d.o.o. Kakanj	60,79 KM
2	CENTROTRANS-EUROLINES d.d. Sarajevo	387,00 KM

Za LOT 3 – Prevoz učenika srednjih škola i studenata na relacijama: Kakanj-Tičići, Kakanj-Sopotnica, Kakanj-Desetnik

r/b	Ponuđač	Cijena ponude bez PDV-a (javno otvaranje ponuda)
1	AES-PROMET d.o.o. Kakanj	5,10 KM
2	MEGA-TRAVEL d.o.o. Kakanj	9,59 KM
3	CENTROTRANS-EUROLINES d.d. Sarajevo	19,00 KM





Za LOT 5 – Prevoz učenika srednjih škola i studenata na relacijama Kakanj – Tršće, Kakanj-Brnj, Kakanj-Kučići

r/b	Ponuđač	Cijena ponude bez PDV-a (javno otvaranje ponuda)
1	MEGA-TRAVEL d.o.o. Kakanj	6,39 KM
2	CENTROTRANS-EUROLINES d.d. Sarajevo	39,70 KM

Na osnovu rezultata utvrđene rang liste, Komisija za nabavke ugovornog organa ocijenila je da ponude rangiranih ponuđača

1. Za LOT2 - Prevoz učenika srednjih škola i studenata na relacijama: Kakanj-Kraljeva Sutjeska, Kakanj-Veliki Trnovci, Kakanj-Ričica, Kakanj-Bištrani, Kakanj-Slapnica, Kakanj-Lipnica, ponuđač MEGA-TRAVEL d.o.o. Kakanj, sa ukupnom cijenom ponude od 60,79 KM, bez PDV-a,
2. Za LOT3 - Prevoz učenika srednjih škola i studenata na relacijama: Kakanj-Tičići, Kakanj-Sopotnica, Kakanj-Desetnik ponuđač AES-PROMET d.o.o. Kakanj, sa ukupnom cijenom ponude od 5,10 KM, bez PDV-a,
3. Za LOT5 - Prevoz učenika srednjih škola i studenata na relacijama Kakanj – Tršće, Kakanj-Brnj, Kakanj-Kučići, ponuđač MEGA-TRAVEL d.o.o. Kakanj, sa ukupnom cijenom ponude od 6,39 KM, bez PDV-a,

ispunjavaju postavljene zahtjeve iz tenderske dokumentacije, broj: 02/1-2490/16 od 20.05.2016. godine, po Rješenju URŽ-a, broj: JN2-03-071-791-7/16 od 25.08.2016. godine i Rješenju URŽ-a, broj: JN2-03-07-1-770-8/16 od 15.09.2016. godine.

Na osnovu gore navedenog, to je i donesena Odluka kao u dispozitivu.

#### POUKA O PRAVNOM LIJEKU:

Protiv ove odluke može se izjaviti žalba Ugovornom organu najkasnije u roku od 10 dana od dana prijema ove Odluke, u skladu sa članom 99. i 101. stav 1., Zakona o javnim nabavkama BiH.

Žalba se podnosi u najmanje 3 (tri) primjerka.

#### DOSTAVITI:

- Svim ponuđačima u postupku nabavke
- Komisiji za javne nabavke
- U spis
- A/a

